



五言古詩卷之八

唐詩品彙八

新寧高棟編

大家二

杜甫

遊覽九首

遊龍門奉先寺

已從招提遊更宿招提境陰壑生靈籟月林散清影
天闕象緯逼雲卧衣裳冷欲覺聞晨鍾令人發深省

望嶽

岱宗夫如何齊魯青未了

劉云即五字雄蓋一世造
范云起句之超然者也

化鍾神秀陰陽割昏曉盪胸生層雲決昔入歸鳥會
當凌絕頂一覽衆山小

陪李北海燕歷下亭李邕時為北海太守

東蕃駐皂蓋北渚凌清河海右此亭古濟南名士多

劉云題扁適當如此雲山已發興玉佩仍當歌脩竹不受暑交

流空湧波蘊真愜所遇落日將如何貴賤俱物役從

公難重過

大雲寺贊公房

燈影照無睡心清聞妙香劉云便尔超悟夜深殿突兀風動

金琅璫天黑閉春院地清栖暗芳玉繩星名回斷絕鉄

鳳森翱翔梵放時出寺鍾殘仍殷音隱床明朝在沃野

苦見塵沙黃劉云如此自好

冬到金華山觀因得故拾遺陳公學堂遺

跡

涪右衆山內金華紫崔嵬上有蔚藍天垂光抱瓊臺

繫舟接絕壁杖策窮縈迴四顧俯層巔淡然川谷開

雪嶺日色死霜鴻有餘哀焚香玉女跪霧裏仙人來

陳公讀書堂石柱仄青苔悲風為我起激烈傷雄材

西枝村尋置草堂地夜宿贊公土室二首

出郭眇細岑披榛得微路溪行一流水曲折方屢渡

贊公湯休徒好靜心跡素昨枉霞上作盛論岩中趣
怡然共携手恣意同遠步捫蘿澁先登陟巘眩反顧
要求陽岡暖苦陟陰嶺涸惆悵老大藤沉吟屈蟠樹
卜居意未展杖策迴且暮層巔餘落日草蔓已多露

又

天寒鳥已歸月出山更靜劉云自然
境自然語土室延白光松
門耿踈影躋攀倦日短語樂寄夜永明燃林中新暗
汲石底井大師京國舊德業天機秉從來支許遊興
趣江湖迥數竒譎關塞道廣存箕穎何知戎馬間復
接塵事屏幽尋豈一路遠色有諸嶺晨光稍朦朧更

越西南頂

同諸公登慈恩寺塔時高適薛據
先有此作

高標跨蒼穹烈風無時休范云承以烈風無時
休五字今人能之否自非

曠士懷登茲翻百憂方知象教力足可追冥搜范云
遊觀

寺詩十
字同到仰穿龍蛇窟始出枝撐幽七星在北戶河漢

聲西流羲和鞭白日少昊行清秋泰山忽破碎一作
秦劉

云樊察序本
如此近是涇渭不可求俯視但一氣焉能辯皇州

迴首叫虞舜蒼梧雲正愁惜哉瑤池飲日晏昆侖丘

黃鵠去不息哀鳴何所投君看隨陽鴈各有稻梁謀

望岳

南岳配朱鳥秩禮自百王歛吸領地靈瀕洞半炎方
邦家用祀典在德非馨香巡守何寂寥有虞今則亡
洎吾隘世網行邁越瀟湘渴日絕壁出漾舟清光傍
祝融五峰尊峰峰次低昂紫蓋獨不朝爭長嶸相望
恭聞魏夫人群仙夾翱翔有時五峯炁散風如飛霜
牽迫限脩途未暇杖崇岡歸來覬命駕沐浴休玉堂
三嘆問府主曷以贊我皇牲璧恐衰俗神其思降祥

懷古二首

玉華宮

梅聖俞云宮近晉符堅墓

溪回松風長蒼鼠竄古瓦不知何王殿遺構絕壁下

劉云哀思苦語轉換簡遠有長篇餘韻末更自傷悲非意所及陰房鬼火青壞道哀
湍瀉萬籟真笙竽秋色正瀟洒美人為黃土况乃粉
黛假當時侍金輿故物獨石馬憂來藉草坐浩歌淚
盈把冉冉征途間誰是長年者

劉云起結棲黯讀者始難為情

九成宮

本隋仁壽宮也貞觀開修之以避暑因更名焉山有九重故名九成

蒼山入百里崖斷如杵曰層宮憑風迴岌業土囊口
立神扶棟梁斲翠開戶牖劉云二語雄稱其陽產靈芝其陰
宿牛斗紛披長松倒揭嶸恠石走袞徠啼一聲客淚
迸林藪荒哉隋家帝製此今頽朽向使國不亡焉為
巨唐有雖無新增脩尚置官居守巡非瑤水遠跡是

雕墻後劉云感嘆之尤得體者也我来属時危仰望嗟嘆久天王

守太白趙次公云言駐馬更搔首范云国亡唐有此

戒末意嘗不戒者也此所以駐馬而後搔首也杜于美之沉鬱頓挫類此也

經行七首

赤谷西崦人家

躋險不自安出郊已清日溪迴日氣暖徑轉山田熟
鳥雀依茅茨藩籬帶松菊如行武陵暮欲問桃源宿

過津口

南岳自茲近湘流東逝深和風引桂楫春日漲雲岑
迴首過津口而多楓樹林白魚困密網黃鳥喧嘉音

物微限通塞惻隱仁者心瓮餘不盡酒膝有無聲琴

聖賢兩寂寞趙次公云白魚黃鳥物之

者於物每側隱其困塞於此琴酒思聖賢寂寞亦自適耳

次空舸岸

泐泐逆素浪落落展清眺幸有舟楫得盡所歷妙
空舸霞石峻楓栝隱奔峭青春猶無私白日亦偏照
可使營吾居終焉託長嘯毒瘴未足憂兵戈滿邊徼
嚮者留遺恨耻為達人誚迴帆覬賞延佳處領其要

羌村三首時自鳳翔還廊州蔡夢弼云廊州治洛交縣羌村洛交村墟

崢嶸赤雲西日脚下平地柴門鳥雀噪歸客千里至

妻孥恠我在驚定還拭淚世亂遭飄蕩生還偶然遂
隣人滿墻頭感嘆亦歎歎夜闌更秉燭相對如夢寐

劉云當時適然千載之淚常在
在人目詩三百不多見也

二

晚歲迫偷生還家少歡趣嬌兒不離膝畏我復却去
憶昔好追涼故繞池邊樹蕭蕭北風勁撫事煎百慮
賴知禾黍收已覺糟床注如今足斟酌且用慰遲莫

三

群鷄正亂叫客至鷄鬪爭驅鷄上樹木始聞叩柴荆
父老四五人問我久遠行手中各有携傾榼濁復清

苦辭酒味薄黍地無人耕兵革既未息兒童盡東征
請為父老歌艱難愧深情歌罷仰天嘆四坐淚縱橫

述懷

公家寓鄜州三川時自
賊中達行在所作也

去年潼關破妻子隔絕久今夏草木長脫身得西走
麻鞋見天子衣袖露兩肘朝廷愍生還親故傷老醜
涕淚受拾遺流離主恩厚柴門雖得去未忍即開口
寄書問三川不知家在否比聞同罹禍殺戮到鷄狗
山中漏茆屋誰復依戶牖摧頽蒼松根地冷骨未朽
幾人全性命盡室豈相偶欽峯猛虎場爵結回我首
自寄一封書今已十月後反畏消息來寸心亦何有

陳後山云不敢問何如○劉云極一時憂傷之懷賴自能賦而毫髮不失漢運初中興生平老耽酒沈思歡會處恐作窮獨叟

懷思四首

得舍弟消息

風吹紫荆樹色與春庭暮花落辭故枝風回反無處骨肉恩書重漂泊難相遇猶有淚成河經天復東注
劉云苦心然調使人凄然終鮮之痛潛於青令死喪之喻未有如此句之苦者未尤可念非深痛不能道
夢李白二首
白坐永王璘事當誅會赦還尋陽復坐事下獄
死別已吞聲生別常惻惻劉云使其死耶當不復哭矣乃使人不能忘者生別也
故江南瘴癘地逐客無消息故人入我夢明我長相

憶恐非平生魂路遠不可測魂來楓林青魂返關塞

黑君今在羅網何以有羽翼落月滿屋梁猶疑照顏

色西清詩話云白風神超邁此詩傳其神者也水深波浪闊無使蛟龍得

劉云落落月屋梁偶然實景不可再遇

浮雲終日行遊子久不至劉云起語千言萬恨三夜頻夢君情

親見君意告歸常局促苦道來不易劉云夢中賓江主語具是

湖多風波舟楫恐失墜出門搔白首若負平生志冠

蓋滿京華斯人獨憔悴劉云語出別孰云網恢恢將老情痛自別

身反累千秋萬歲名寂寞身後事劉云結極慘淡情至語塞

幽人

師古云按唐史拾遺惠昭荀珣與甫友善此詩思二子也

孤雲亦群遊神物有所歸麟鳳在赤霄何當一來儀
往與惠荀輩中年滄洲期天高無消息棄我忽若遺
內懼非道流幽人在瑕疵洪濤隱語咲鼓枻蓬萊池
崔嵬扶桑日照耀珊瑚枝風帆倚翠蓋莫把東皇衣
嚙漱元和津所思煙霞微知名未足稱局促商山芝
五湖復浩蕩歲暮有餘悲

尋訪二首

夏日李公見訪

即李炎時為
太子家令

遠林暑氣薄公子過我遊貧居類村塢僻近城南樓
傍舍頗淳朴所願亦易求隔屋喚西家借問有酒不

墻頭過濁醪

劉云實事他人
以為不足道

展席俯長流清風左右

至

劉云自
得適然

客意已驚秋巢多衆鳥闔葉密鳴蟬稠苦

遭此物聒孰謂吾廬幽水花晚色靜庶足充淹留預
恐尊中盡更起為君謀

晦日尋崔戢李封

朝光入甕牖尸寢驚弊裘起行視天宇春氣漸和柔
興來不暇懶今晨梳我頭出門無所待徒步覺自由
杖藜復恣意免值公與侯晚定崔李友會心真罕儔
每過得酒傾二宅可淹留喜結仁里歡况因令節求
李生園欲荒舊竹頗脩脩引客看掃除隨時成獻酬

崔侯初筵色已畏空尊愁劉云寫得濃至未知天下士至性
有此不草芽既青出蜂聲亦暖遊思見農器陳何當
甲兵休上古葛天氏不貽黃屋憂至今阮籍等熟醉
為身謀威鳳高其翔長鯨吞九州地軸為之翻百川
皆亂流當歌欲一放淚下恐莫收濁醪有妙理庶用
慰沉浮

寄贈二首

別唐十五誠因寄禮部賈侍郎至

九載一相逢百年能幾何復為萬里別送子山之阿
白鶴久同林潛魚本同河未知栖集期衰老強高歌

歌罷兩悽惻六龍忽蹉跎相視髮皓白况難駐羲和
胡星墜燕地漢將仍橫戈蕭條四海內人少豺虎多
少人慎莫投多虎信所過飢有易子食獸猶畏虞羅
拊聖俞云此等語含蓄深矣殆不可模倣子負經濟才天門鬱嵯峨飄飄
適東周來往若崩波南宮吾故人白馬金盤陀蔡夢弼云
昔賈逵為禮部侍郎常乘白馬故雄筆映千古見賢
於至亦云金盤陀未詳或云山名心靡他念子善師事歲寒守舊柯為吾謝賈公病肺

川江沱

贈衛八處士

公與李白高適衛賓相友善賓年最少號小友

人生不相見動如參與商今夕復何夕共此燈燭光

少壯能幾時髮髮各已蒼訪舊半為鬼驚呼執中腸
馬知二十載重上君子堂昔別君未婚兒女忽成行
怡然敬父執問我來何方問荅未及已兒女羅酒漿
夜雨剪春韭新炊間黃梁主稱會面難一舉累十觴
十觴亦不醉感子故意長明日隔山岳世事兩茫茫

劉云陽關之後此語為暢

感興九首

遣興四首

賀公雅吳語在位常清狂上疏乞骸骨黃冠歸故鄉
爽氣不可致斯人今則上山陰一茅宇江海日清涼

又

長陵銳頭兒出獵待明發驛弓金瓜鏑白馬蹴微雪
未知所馳逐但見暮光滅歸來懸兩狼門戶有旌節

又

朝逢富家葬前後皆輝光共指親戚大總麻百夫行
送者各有死不須羨其強君看束縛去亦得歸山岡

劉云曠然世外之見沉著痛快

又

下馬古戰場四顧俱茫然風悲浮雲去黃葉墜我前
朽骨兀螻蟻又為蔓草纏故老行歎息今人尚開邊

漢虜互勝負封疆不常全安得廉頗將三軍同晏眠

述古

赤驥頓長纓非無萬里姿悲鳴淚至地為問馭者誰
鳳凰從天來何意復高飛竹花不結實念子忍朝饑
古來君臣合可以物理推賢人識定分進退固其宜

佳人

絕代有佳人幽居在空谷白云良家子零落依草木
關中昔喪亂兄弟遭殺戮官高何足論不得收骨肉
世情惡衰歇萬事隨轉燭夫婿輕薄兒新人美如玉
劉云閑言今合婚一作昏即尚知時鴛鴦不獨宿但語無不可惑

見新人笑那聞舊人哭在山泉水清出山泉水濁侍

婢賣珠迴牽蘿補茆屋劉云似悲似訴自言自誓終持慷慨脩潔端麗盡所不能

如論所不能及摘花不挿髮採柏動盈掬天寒翠袖薄日暮

倚脩竹劉云字字矜到而不艱棘蓋不容盡

寫懷二首

勞生共乾坤何處異風俗冉冉自趨競行行見羈束
無貴賤不悲無富貧亦足萬古一骸骨隣家遞歌哭
鄙夫到巫峽三歲如轉燭全命甘留滯忘情任榮辱
朝班及暮齒日給還脫粟編蓬石城東採藥山北谷
用心霜雪間不必條蔓綠非關故安排曾是順幽獨

達士如弦直小人似鈞曲曲直吾不知負暄候樵牧

劉云寫得甚恨

夜深坐南軒明月照我膝驚風翻河漢梁棟已出日
群生各一宿飛動自儔匹吾亦驅其兒營營為私實
天寒行旅稀歲暮日月疾榮名忽中人世亂如蟣蝨
古者三皇前滿腹志願畢胡為有結繩陷此膠與漆
禍首燧人氏厲階董狐筆君看燈燭張轉使飛蛾密
放神八極外俛仰俱蕭瑟終契如往還得匪合仙術

王洙云燧人火化而爭欲之心生董狐直筆而是非之端起故子美所以謂禍首厲階也

喜晴

皇天久不雨既雨晴亦佳出郭眺西郊蕭蕭春增華
青熒陵陂麥窈窕桃李花春夏各有實我飢豈無涯
劉云善自寬干戈雖橫放慘澹鬪龍蛇甘澤不猶愈且畊
今未賒丈夫則帶甲婦女終在家力難及黍稷得種
菜與麻千載商山芝往者東門瓜其人骨已朽此道
誰疵瑕英賢遇輶軻遠引蟠泥沙顧慙昧所適迴首
白日斜漢陰有鹿門滄海有靈槎焉能學衆口咄咄
空咨嗟

雜詠七首

白馬

蔡伯世云此潭州詩主將謂崔璿也為臧玠所殺侯景舉軍皆白馬故云

白馬東北來空鞍貫雙箭可憐馬上郎意氣今誰見
近時主將戮中夜商於戰趙次公云商當作傷喪亂死多門嗚
呼淚如霰劉云詩或託興或紀事託名不必商於不商於也

雨

峽雲行清曉烟霧相徘徊風吹滄江去雨灑石壁來
淒淒生餘寒殷殷蕪出雷白谷變氣候朱炎安在哉
高鳥濕不下居人門未開楚宮久已滅幽佩為誰哀
侍臣書王夢賦有冠古才冥冥翠龍駕多自巫山臺
歿中楊監見示張旭草書圖
斯人已云亡草聖祕難得及茲煩見示滿目一悽惻

悲風生微綃萬里起古色鏘鏘鳴玉動落落群松直
連山蟠其間溟漲與筆力有練實先書臨池真盡墨
俊拔為之主暮年思轉極未知張王後誰並百代則
嗚呼東吳精逸氣感清識楊公拂篋笥舒卷忘寢食
念昔揮毫端不獨觀酒德

通泉縣署屋壁後薛少保畫鶴

薛公十一鶴皆寫青田真畫色久欲畫蒼然猶出塵
低昂各有意磊落如長人佳此志氣遠豈惟粉墨新
萬里不以力群遊森會神威遲白鳳態非是倉庚隣
高堂未傾覆幸得慰佳賓曝露墻壁外終嗟風雨頻

赤霄有真骨耻飲洿池津冥冥任所往脫略誰能馴
牽牛織女

牽牛出河西織女處其東萬古永相望七夕誰見同
神光竟難候此事終朦朧颯然精靈合何必秋遂通
亭亭新粧立龍駕具層空世人亦為尔祈請走兒童
稱家隨豐儉白屋達公宮膳夫翊堂殿鳴玉婁房櫳
曝衣遍天下曳月楊微風蛛絲小人態曲綴瓜果中
初筵瀼重露日出甘所終嗟汝未嫁女秉心鬱忡忡
防身動如律竭力機杼中雖無舅姑事敢昧織作功
明明君臣契咫尺或未容

劉云謂近雖咫尺非如期不合彼淫以失身不如也

夫之見有不然者當悔何及此十字俱有其意但上面寫不甚達其言君臣之際則可感矣 義無
棄禮法思始夫婦恭小大有佳期戒之在至公方負
苟齟齬丈夫多英雄

義鷓行

陰崖有蒼鷹養子黑栢巔白蛇登其巢吞噬恣朝餐
雄飛遠求食鳴者鳴辛酸力强不可制黃口無半存
其父從西歸翻身入長煙斯須領律鷓痛噴寄所宣
斗上楸孤影噉哮來九天脩翎脫遠枝臣顙折老拳
劉云此奇事適使于美聞之 高空得蹭蹬短草辭蜿蜒折尾能一
掉飽腸已皆穿生雖滅衆雛死亦垂千年物情有報

復快意貴目前茲實鷲鳥最急難心惘然功成失所
往用捨何其賢近經滴水涓此事樵夫傳飄蕭覺索
髮凜欲衝儒冠人生許與分亦在顧盼間聊為義鷓
行永激壯士肝西清詩話云杜少陵詩自與造化同
流孰可擬議至若君子高處廊廟動

成法言恨
終欠風韻

北風

北風破南極朱鳳日威垂洞庭秋欲雪鴻鴈將安歸
十年殺氣盛六合人煙稀吾慕漢初老時清猶茹芝

五言古詩卷之八

唐詩品彙八

五言古詩卷之九

唐詩品彙九

新寧高棟編

名家上之

孟浩然

丹陽殷璠曰余嘗謂彌衡不遇趙壹無祿
其過在人及觀襄陽孟浩然齋折謙退
才名曰高天下藉甚竟淪落明代終於布
衣悲夫浩然詩文彩丰茸經緯密半遵
雅調全削凡體至如衆山遥對酒孤島共
題詩無論與象兼復故實又氣蒸雲夢澤
波憾岳陽城亦為高唱○皮日休云明皇
世章句之風大得建安體論者推李翰林
杜工部為尤介其間能不愧者惟吾鄉之
孟先生也先生之道遇景入韻不鈞奇攄
異令齷齪東人口者涵涵然有平大之興
若公輸氏當巧而不用者也此齊美蕭瑟

芙蓉露下落楊柳月中疎先生則有微雲
淡河漢疎雨滴梧桐樂府美玉融殘日霽
沙■清風動甘泉先生則有氣蒸雲夢澤
波憾岳陽城謝眺之詩句精者露濕寒塘
草月映清淮流先生則有荷風送香氣竹
露滴清響此與古人爭勝於毫釐也稱是
者衆不可悉類嗚呼先生之道復何言耶
謂乎貧則爵于身謂乎死則朽乎文為士
之道亦已至矣○王士源序曰孟浩字浩
然襄陽人也骨貌清淑風神散朗學不為
儒務掇菁藻文不按古愜心獨妙五言詩
天下稱其獨步閑遊秘書省秋月新霽諸英
華賦詩作會浩然曰微雲淡河漢疎雨滴
梧桐舉坐嘆其清絕咸閣筆不繼○又曰
浩然文不為仕侍興而作故遲行不為飾
動求真適故誕遊不為利期以放情故貧
○嚴滄浪曰浩然之詩諷咏之久有金石
高宮之聲○又曰孟襄陽學力下韓退之
遠甚而其詩獨出其上者一未妙悟而已
○劉湏溪云孟浩然詩如訪梅問柳偏入

幽寺却與常蘇州意趣
佳相似然人品不同

大堤行寄萬

大堤行樂處車馬相馳突歲歲春草生踏青二三月

王孫挾珠彈遊女矜羅襪携手今莫同江花為誰發

清鏡嘆同張明府賦

妾有盤龍鏡清光常晝發自從生塵埃有若霧中月

愁來試取照坐嘆生白髮寄語邊塞人如何久離別

採樵作

採樵入深山山深水重疊橋崩卧查擁路險垂藤接

日落伴將稀山風拂羅衣長歌負輕策平野望煙歸

月下懷

秋空明月懸光彩露沾濕驚鵲棲未定飛螢卷簾入
庭窓寒影踈隣杵夜深急佳期曠何許望望空佇立

劉云亦自織履與踈雨滴梧
桐相似謂其詩枯淡非也

送從弟下第後歸會稽

疾風吹征帆倏尔向空沒劉云發興甚苦千里去俄頃三江
坐超忽向來共歡娛日夕成楚越落羽更分飛誰能
不驚骨

歲暮海上作

仲尼既已沒余亦浮于海昏見斗柄迴方知歲星改

虛舟任所適垂釣非有待為問乘槎人滄洲復何在

劉云奇壯淡
蕩少許自足

宿楊子津寄劉處士

所思在夢寐欲往大江深日夕望京口煙波愁我心
心馳茅山洞目極楓樹林不見少微隱星霜勞夜吟

宿叢師山房待丁公不至

夕陽度西嶺群壑倏已暝松月生夜涼風泉滿清聽
樵人歸欲盡煙鳥栖初定之子期宿來孤琴候蘿迳

劉云景物滿眼而清淡之
趣更自浮動非寂寞者

耶溪泛舟

落影餘清暉輕棹弄溪渚澄明愛水物臨泛何容與
白首垂釣翁新粧浣紗女看看似相識脉脉不得語
劉云清溪麗景閑遠餘情不欲犯一字綺語自足

遊精思觀迴王白雲山人在後

出谷未停午至家已夕曛迴瞻山下路但見牛羊群
樵子暗相失草虫寒不聞衡門猶未掩佇立待夫君

聽鄭五惜琴

阮籍推名飲清風坐竹林半酣下衫袖拂拭龍唇琴
一杯彈一曲不覺夕陽沉余意在山水聞知諧夙心

劉云撲而不俚風韻尚存

萬山潭

垂釣在磐石水清心亦閑魚行潭樹下猿掛島藤間
遊女昔解珮傳聞於此山求之不可得沿月棹歌還

劉云蛻出風露古始未有○古意淡韻終不可以衆作律之而衆作愈不可及

晚泊潯陽望香爐峯

掛席幾千里名山都未逢泊舟潯陽岸始見香爐峯
嘗讀遠公傳永懷塵外跡東林精舍近日暮空聞鐘

呂氏童蒙訓云浩然泊潯陽詩但詳看此等語自然意遠也

南亭懷辛子

山光忽西落池月漸東上
牧豎乘夕涼開軒卧閑敞

荷風送香氣竹露滴清響欲取鳴琴彈恨無知音賞
感此懷故人中宵勞夢想

南歸阻雪

我行滯宛洛日夕望京豫曠野莽茫茫鄉山在何處
孤煙村際起歸鴈天邊去積雪覆平皋飢鷹捉寒兔
少年弄文墨屬意在章句十上耻還家徘徊守歸路

劉云曲
凄楚

登蘭山寄張立

王荆公選作秋登
萬山寄張立壺

北山白雲裏隱者自怡悅相望始登高心隨飛鴈滅
愁因薄暮起興是清秋發劉云扑而不厭時見歸村人平沙

渡嶺

一作劉云其
頭

歇劉云其天邊樹若齊江畔洲如月何當

載酒來共醉重陽節

漢中漾舟

漾舟逗何處神女漢皋曲

劉云
便好

雪罷冰復開春潭千

丈綠輕舟恣往來探玩無厭足波影搖妓釵沙光逐

人目傾杯魚鳥醉聯句鶯花續劉云此雖清事微近
俗意知此可以語此

良會難再逢日入須秉燭

發漢浦潭

東旭早光茫諸禽已驚聒卧聞漁浦口橈聲暗相撥

劉云別是一
種清氣可人

日出氣象分始知江路濶美人常晏起

照影弄流沫飲水畏驚後祭魚時見懶舟行自無悶
况值晴景豁劉云美人常晏起著此空澗又別起衆作以此

過龍泉精舍

亭午聞山鍾起行散愁寂尋林采芝去谷轉松蘿密
旁見精舍開長廊飯僧畢石渠流雪水金子耀霜橘
竹房思舊遊過憇終永日入洞窺石髓傍崖採蜂蜜
日暝辭遠公虎溪相送出

題終南翠微寺空上人房

翠微終南裏雨後宜晚照閉門久沉冥杖策一登眺
遂造幽人室始知靜者妙儒道雖異門雲林頗同調

兩心喜相得畢竟共談笑暝還南窻眠時見遠山燒
緬懷赤城標更憶臨海嶠風泉有清聽何必蘇門嘯

劉云不必刻
深懷抱如洗

宿桐栢觀

海泛信風帆夕宿逗雲島緬尋滄洲趣近愛赤城好
捫蘿亦踐苔輟棹恣窮討息陰憇桐栢采秀尋芝草
鶴唳清露垂鷄鳴信潮早願言解纓紱從此去煩惱
高步凌四壁玄蹤得三老紛吾遠遊音學彼長生道
日夕望三山雲濤空浩浩

尋香山湛上人

朝遊訪名山山遠在空翠氛氲亘百里日入行始至
谷口聞鍾聲林端識香氣杖策尋故人解鞍暫停騎
石門殊豁險篁筵轉森邃法侶欣相逢清談曉不寐
平生慕真隱累日探多異野老朝入田山僧暮歸寺
松泉多逸響苔壁饒古意願言投此山身世兩相棄

題鹿門山

清曉因興來乘流越江峴沙禽近方識浦樹遠莫辯
漸至鹿門山山明翠微淡巖潭多屈曲舟楫屢迴轉
昔聞龐德公采藥遂不返金澗養芝朮石床卧苔蘚
紛吾感耆舊結覽事攀踐隱跡今尚存高風邈已遠

白雲何時去丹桂空偃蹇

僧皎然云靜也

探討意未窮迴艫

夕陽晚

王維

殷璠曰維詩辭秀調雅意新理愜在泉為珠著壁成繪一句一字皆出常境○蘇東坡曰王右丞常蘇州澄澹精緻格在其中又曰味摩詰之詩詩中有畫觀摩詰之畫畫中有詩○黃山谷云余昔年登山臨水未嘗不讀摩詰詩故知此老曾次缺定有泉石膏肓之疾矣○陳后山云右丞蘇州皆學陶王得其自在○彭適云右丞詩詞不迫切而味甚長蘇州詩韻高而氣清皆五言之宗也西清詩話云王摩詰詩渾厚閑雅覆蓋古今但如久隱山林之人徒成曠淡也

羽林騎閨人

秋月臨高城城中管絃思離人堂上愁稚子堦前戲
出門復映戶望望青絲騎行人過欲盡狂夫終不至
左右寂無言相看共垂淚

幽施詠

艷色天下重西施寧久微朝為越溪女莫作吳王姬
賤日豈殊衆貴來方悟稀劉云語有調味似淺似深邀人傳脂粉
不自着羅衣君寵益嬌態君憐無是非劉云當時沉
紗伴莫得同車歸持謝隣家子效顰安可希

李陵詠時年十九

漢家李將軍三代將門子結髮有奇策少年成壯士

長驅塞上兇深入單于壘旌旂列相向簫鼓悲何已
日暮沙漠陞戰聲烟塵裏將令驕虜滅豈獨名王侍
既失大軍援遂嬰穹廬耻小小蒙漢恩何堪坐思此
深衷欲有報投軀未能死引領望子卿非君誰相理

送別

下馬飲君酒問君何所之君言不得意歸卧南山陲
但去莫復問白雲無盡時

嘆白髮

我年亦何長髮髮日已白俛仰天地間能為幾時客
惆悵故山雲徘徊空日夕何事與時人東城復南陌

贈劉藍田

籬中犬迎吠出屋候柴扉歲晏輸井稅山村人夜歸
晚田始家食餘布成我衣詎肯無公事煩君問是非

齊州送祖三

相逢方一笑相送還成泣祖帳已傷離荒城復愁入

劉云只是眼前道不盡者天寒遠山淨日暮長河急解纜君已遙

望君猶佇立劉云短
懶意傷

春中田家作

屋上春鳩鳴村邊李花白劉云
好持斧伐遠揚荷鋤覘

泉脉新燕識舊巢舊人看新曆臨觴忽不御惆悵遠

行客劉云卷耳之後得此吟調
又云情至自然掩抑有態

別弟縉後登青龍寺望藍田山

陌上新別離蒼茫四郊晦登高不見君故山復雲外

遠樹蔽行人長天隱秋塞心悲遊宦子何處飛征蓋

黎拾遺忻裴迪見過秋夜對雨之作

促織鳴已急輕衣行尚重寒燈坐高館秋雨聞踈鍾

白法調狂象玄言問老龍何人顧蓬筵空愧求羊縱

至滑州隔河望黎陽憶丁三寓

隔河見桑柘藹藹黎陽川望望行漸遠孤峯沒雲烟

故人不可見河水復悠然賴有政聲遠時聞行路傳

終南別業

中歲頗好道晚家南山陲與來每獨往勝事空自知

行到水窮處坐看雲起時劉云無言之境不可說偶

然值林叟談笑無還期劉云其質如此故自難及○

與造物相表裏豈直詩中有畫哉觀其詩知其蟬蛻塵埃之中蜉蝣萬物之表者也

秋夜獨坐懷內弟崔興宗

夜靜群動息蟋蟀聲悠悠庭槐北風響日夕方高秋

思子整羽翮及時當雲浮吾生將白首歲晏思滄洲

高足在旦暮肯為南敏傳

奉寄常大守陟

荒城自蕭索萬里山河空天高秋日迥嘹唳聞歸鴻

寒塘映衰草高館落疎桐臨此歲方晏顧景問悲翁

故人不可見寂寞平林東

渭川田家

斜光照墟落窮巷牛羊歸野老念僮僕倚杖候荆扉

雉雊麥苗秀蚕眠桑葉稀田夫荷鋤立相見語依依

即此羨閑逸悵然歌式微

過李揖宅

閑門秋草色終日無車馬客來深巷中犬吠寒籬下

散髮時未簪道書行尚把與我同心人樂道安貧者

一罷宜城酌還歸洛陽社

奉和聖製送不蒙都護無鴻臚卿歸安西
上卿增命服都護揚歸旆雜虜盡朝周諸胡皆自郤
鳴笳瀚海曲按節陽關外落日下河源寒山靜秋塞
萬方氛祲息六合乾坤大無戰是天心天心同覆載

韋侍郎山居

幸忝君子顧遂陪塵外蹤閑花滿岩谷瀑水映杉松
啼鳥忽臨澗歸雲時抱峯良遊盛簪紱繼跡多雙龍
詎往青門道故聞長樂鍾清晨去朝謁車馬何從容

送權二

高人不可有清論復何深一見如舊識一言知道心
明時當薄宦解薛去中林芳草空隱處白雲餘故岑
韓侯久携手河岳共幽尋悵別千餘里臨堂鳴素琴

納涼

喬木萬餘株清流貫其中前臨大川口豁達來長風
漣漪含白沙素鮪如遊空偃卧磐石上翻濤沃微躬
激流復濯足前對釣魚翁貪餌凡幾許徒思蓮葉東

崔濮陽兄季重前山興

秋色有佳興况君池上閑悠悠西林下自識門前山
劉云又別言千里橫黛色數峯出雲間嵯峨對秦國

合沓蔽荆關殘雨斜日照夕嵐飛鳥還故人今尚爾
嘆息此顏顏

冬日遊覽

步出城東門試騁千里目青山橫蒼林春日圍平陸

劉云下渭北走邠鄆關東出函谷秦地萬方會來朝

字佳九州牧劉云平實悲壯古鷄鳴咸陽中冠蓋相追逐

丞相過列侯群公餞光祿相如方老病獨歸茂陵宿

劉云更似不須語言

飯覆釜山僧

晚知清淨理日與人群踈將候遠山僧先期歸弊廬

果從雲峰裏顧我蓬蒿居藉草飯松屑焚香看道書

燃燈晝欲盡鳴磬夜方初一悟寂為樂此生閑有餘

思歸何必深身世猶空虛

宿鄭州

朝與周人辭暮投鄭人宿他鄉絕儔侶孤客親童僕

宛洛望不見秋霖晦平陸田父草際歸村童雨中牧

主人東臯上時稼繞茅屋虫思機杼鳴雀喧禾黍熟

明當渡京水昨晚猶金谷劉云藹然此去欲何言窮

邊徇微祿

留別山中溫古上人兄并示舍弟縉

解薛登天朝去師偶時哲豈唯山中人兼負松上月
宿昔同遊止致身雲霞未開軒臨穎易卧視飛鳥沒
好依磐石飯屢對瀑泉歇理齊少狎隱道勝寧外物
舍第官崇高宗兄此削髮荆扉但洒掃乘閑當過拂

觀別者

青青楊柳陌陌上別離人愛子遊燕趙高堂有老親
不行無可養行去百憂新切切委兄弟依依向四隣
劉云兩語已絕都門悵飲畢從此謝親賓憚淚逐行侶含悽
動征輪車從望不見時時起行塵余亦辭家者看之
淚滿巾

送別

聖代無隱者英靈盡來歸遂令東山客不得顧採薇
既至君門遠孰云吾道非江淮度寒食京洛縫春衣
置酒臨長道同心與我違行當浮桂棹未幾拂荆扉
遠樹帶行客孤城當落暉劉云帶字盡意當字天然吾謀適不用
勿謂知音稀

休暇還舊業便使

劉云唐選作盧象詩

謝病始告歸依依入桑梓家人皆佇立相候柴門裏
時輩皆長年成人舊童子上堂家慶畢願與姻親齒
論舊忽餘悲且存且相喜田園轉蕪沒但有寒泉水

解薛登天朝去師偶時哲豈唯山中人兼負松上月
宿昔同遊止致身雲霞未開軒臨穎易卧視飛鳥沒
好依磐石飯屢對瀑泉歇理齊少狎隱道勝寧外物
舍第官崇高宗兄此削髮荆扉但洒掃乘閑當過拂

觀別者

青青楊柳陌陌上別離人愛子遊燕趙高堂有老親
不行無可養行去百憂新切切委兄弟依依向四隣
劉云兩語已絕都門悵飲畢從此謝親賓憚淚逐行侶含悽
動征輪車從望不見時時起行塵余亦辭家者看之
淚滿巾

送別

聖代無隱者英靈盡來歸遂令東山客不得顧採薇
既至君門遠孰云吾道非江淮度寒食京洛縫春衣
置酒臨長道同心與我違行當浮桂棹未幾拂荆扉
遠樹帶行客孤城當落暉劉云帶字盡意當字天然吾謀適不用
勿謂知音稀

休暇還舊業便使

劉云唐選作盧象詩

謝病始告歸依依入桑梓家人皆佇立相候柴門裏
時輩皆長年成人舊童子上堂家慶畢願與姻親齒
論舊忽餘悲且存且相喜田園轉蕪沒但有寒泉水

唐詩九卷
卷之三十一
衰柳日蕭條秋光清邑里入門乍如昨休騎非便止
中飯碩王程離憂從此始

送陸員外

郎署有伊人居然古人風天子顧河北詔書隸征東
拜手辭上官緩步出南宮九河平原外七國薊門中
陰風悲枯葉古塞多飛蓬萬里不見虜蕭條胡地空
無為費中國更欲邀竒功遲遲前相送握手嗟異同
行當封侯歸肯訪南山翁

戲贈張五弟

吾弟東山時心尚亦何遠日高猶自卧鍾動始能飯

劉云不必其頭上髮未梳牀頭書不卷清川興悠悠
人直白輸寫空林時對偃青苔石上淨細草松下軟窓外鳥聲閑
階前虎心善徒然萬慮多澹爾太虛緬一知與物平
自顧為人淺對君忽自得浮念不煩遣

送魏郡李太守赴任

與君伯氏別又欲與君離君行無幾日當復隔山陂
蒼茫秦川盡日落樵林塞獨樹臨關門黃河向天外
前經洛陽陌宛路故人稀故人離別盡淇上轉驂駢
企余悲遠送惆悵睢陽路古木官渡平秋城鄴宮暮
想君行縣日共出從如雲遙思魏公子復憶李將軍

贈祖三詠

蠨蛸掛虛牖蟋蟀鳴前除歲晏涼風至君子復何如
高館閒無人離居不可道閉門寂已閉落日照秋草
雖有近音信千里阻河關中復客汝潁去年歸舊山
結交二十載不得一日展貧病子既深契闊余不淺
仲秋雖未歸莫秋以為期良會詎幾日終自長相思

贈房盧氏

達人無不可忘已愛蒼生豈復小千室絃歌在兩楹
浮人日已歸但坐事農耕桑榆鬱相望邑里多鷄鳴
秋山一何淨蒼翠臨寒城視事兼偃卧對書不簪纓

蕭條人吏稀鳥雀下空庭鄙夫心所向晚節異平生
將從海岳居守靜解天刑或可累安邑茅茨君試營

送綦毋校書棄官還江東

明時久不達棄置與君同天命無怨色人生有素風
念君拂衣去四海將安窮秋天萬里靜日暮激江空
清夜何悠悠扣舷明月中和光魚鳥際澹爾蕪葭叢
無庸客昭世衰鬢日如蓬頑踈暗人事僻陋遠天聰
微物縱可採其誰為至公今亦從此去歸耕為老農

偶然作

陶潛任天真其性頗耽酒自從棄官來家貧不能有

九月九日時菊花空滿手中心竊自思倘有人送否
白衣携壺觴果來遺老叟且喜得斟酌安問升與斗
奮衣野田中今日嗟無負兀傲迷東西簑笠不能守
傾倒强行行酣歌歸五柳生事不曾問肯愧家中婦

哭殷遙

人生能幾何畢竟歸無形念君等為死萬事傷人情
慈母未及葬一女纔十齡決濟寒郊外蕭條聞哭聲
浮雲為蒼茫飛鳥不能鳴行人何寂寞白日自淒清
憶昔君在時問我學無生勸君苦不早令君無所成
故人各有贈又不及平生負尔非一途痛哭返柴荆

送從弟蕃遊淮南

讀書復騎射帶劔遊淮陰淮陰少年輩千里遠相尋
高義難自隱明時寧陸沉島夷九州外泉館三山深
席帆聊問罪丹服盡成擒歸來見天子拜爵賜黃金
忽思鱸魚膾復有滄洲心天寒蕪葭渚日落雲夢林
江城下楓葉淮上聞秋砧送歸青門外車馬去駸駸
惆悵新豐樹空餘天際禽

丁寓田家有贈

君心尚栖隱久欲傍歸路在朝每為言解印果成趣
晨鷄鳴隣里群動從所務農夫行餉田閨婦起縫素

開軒御衣服散帙理章句時吟招隱詩或製閉居賦
新晴望郊郭日映桑榆暮陰盡小苑城微明渭川樹
揆子宅間井幽賞何由屢道存終不忘跡異難相遇
此時惜別離再來芳菲度

藍田石門精舍

落日山

好漾舟信歸風玩竒不覺遠因以緣源窮

遙愛雲

秀初疑路不同安知清流轉偶與前山通

劉云此詩亦步

白常有之其意故是佳趣捨舟理輕策果然慙所適老

僧四五人逍遙蔭松柏朝梵林未曙夜禪山更寂道
心及牧童世事問樵客暝宿長林下焚香卧瑤席澗

芳襲人衣山月映石壁再尋畏迷誤明發更登歷

劉云

世外好事語笑謝樵源人花紅復來覲

送韋大夫東京留守

人外遺世慮空端結通心曾是巢許淺始知堯舜深
蒼生詎有物黃屋如喬林上德燕神運冲和穆衣襟
雲雷康迎難江海遂飛沈天工寄人英龍袞瞻君臨
名器苟不假保釐固其任素質貫方領清景照華簪
慷慨念王室從容獻官箴雲旗蔽三川鼓角發龍吟
晨揚天漢聲夕捲大河陰窮人業已寧逆虜遺之擒
然後解金組拂衣東山岑給事黃門省秋光正沉沉

功名與身退老病隨年侵君子從相訪重玄其可尋

五言古詩卷之九

唐詩品彙九

五言古詩卷之十

唐詩品彙十

新寧高棟編

名家上之

玉昌齡

殷云元嘉以還四百年內曹劉陸謝風骨賴
盡頃有太原王昌齡魯國儲光羲頗從佳跡
且兩賢氣同體別而王稍聲俊至如明堂坐
天子月朔朝諸侯清樂動千門皇風被九州
慶云從東來決瀉抱日流又雲起大華峯雲
止相明滅東峯始涵景了了見松雪又櫛楠
無冬春柯葉連峯稍陰壁下蒼黑烟含清江
樓疊沙積為岡崩剝雨露幽石脉盡橫亘潛
潭何時流又京門望西岳百里見郊樹飛雨
祠上來靄然關中暮又奸雄乃得志遂使群
心摧赤風蕩中原烈火無遁巢一人計不用
萬里空蕭條又百泉勢相蕩巨石皆却立昏

為蛟龍怒清見雷雨入又去時三十萬獨自
還長安不信沙場苦君看刀箭瘢又芦荻寒
滄江石頭岸邊飲又長安酒未酣千里風動
地天伏森練雪疑身騎鉄騎自鷹臂斯並驚
耳駭目今畧舉其十數句則中興高作可知
矣余嘗觀王公長平伏冤文吊枳道賦仁有
餘也奈何晚節不矜細行謗議沸騰再歷遐
荒使知音歎息○唐史稱其詩緒密而思清
時謂王江寧云蓋昌齡嘗出官江寧故岑參
亦有送王大昌齡赴江寧詩昌齡又有別意
猿鳥外天寒桂水長等
句見僧皎然村山詩式

塞上曲

蟬鳴桑樹間八月蕭關道出塞入塞寒處處黃蘆草
從來幽并客皆共沙塵老莫學遊俠兒矜誇紫騮好

其二

飲馬渡秋水水寒風似刀平沙日未沒黯黯見臨洮
昔日長城戰咸言意氣高黃塵是今古白骨亂蓬蒿

其三

秋風夜渡河吹卻鴈門桑遙見胡地徭韞馬宿嚴霜
五道分兵去孤軍百戰場功多翻下獄士卒但心傷

少年行

西陵俠少年送客短長亭青槐夾兩道白馬如流星
聞有羽書急單于寇井陘氣高輕赴難誰顧燕山銘

從軍行

何夕臨大荒朔風軫歸慮平沙萬里餘飛鳥宿何處

虜騎徇長原翩翩傍河去邊聲搖白草海氣橫黃霧
百戰苦風塵十年履霜露雖投定遠筆未望將軍樹
早知行路難悔不理章句

長歌行

曠野饒悲風颼颼多蒿草繫馬倚白楊誰知我懷抱
所是同袍者相逢盡衰老况登漢家陵南望長安道
上有枯樹根下有石鼠窠高皇子孫盡千載無人過
寶玉頻發掘精靈其柰何人生須信命有酒且高歌

放歌行

南渡洛陽津西望十一樓明堂坐天子月朔朝諸侯

清樂動千門皇風被九州慶雲從東來決滸抱日流
昇平貴論道文墨將何求有詔徵草澤微誠將獻謀
冠冕如星羅拜揖曹與周望塵非吾事入賦且遲留
幸蒙國士識因脫負薪裘今者放歌行以慰梁甫愁
但營數斗祿奉養每豐羞願得金膏遂飛雲亦可倚

初日

初日淨金閨先照床前煖斜光入羅幙稍稍親絲管
雲髮不能梳楊花更吹滿

太湖秋夕

水宿煙雨寒洞庭霜落微月明移舟去夜靜魂夢歸

暗覺海風度蕭蕭聞鴈飛

宿裴氏山庄

蒼蒼竹林暮吾亦知所投靜坐山齋月清溪聞遠流
西峰下微雨向晚白雲收遂解塵中組終南春可遊
靜法師東齋

築室在人境遂得真隱情春盡草木變雨來池館清
琴書全推道視聽已無生閉戶晚三界白雲自虛盈
潞府客亭寄崔鳳童

蕭條郡城閉旅館空寒煙秋月對愁客山鍾搖春大
新知偶相訪斗酒情依然一宿阻長會清風徒滿川

送李濯遊江東

清洛日夜漲微風引孤舟離腸便千里遠夢生江樓
楚國橙橘暗吳門煙雨愁東南具今古歸望山雲收
山中別龐十

齋心

幽陰松篠逕月出寒蟬鳴散髮卧其下誰知孤隱情
吟時白雲合釣處玄潭清瓊樹芳香藹鳳兮保其真
女蘿覆石壁溪水幽蒙朧紫葛蔓黃花娟娟寒露中
動斂花上露夜卧松下風雲英化為水光彩與我同
日月蕩精魄寥寥天府空

同從弟銷南齋翫月憶山陰崔少府

高卧南齋時開帷月初吐清輝淡水木演漾在窓戶
冉冉幾盈虛澍澍變今古美人清江畔是夜越吟苦
千里其如何微風吹蘭杜

巴陵劉處士東齋作

劉生隱岳陽心遠洞庭水偃帆入山郭一宿楚雲裏
竹映秋館深月寒江門起煙波桂易接日夕數千里
嫋嫋清夜後孤舟只如此湘中有來鴈雨雪候音旨

九江口作

漭漭江勢濶雨開潯陽秋驛門是高岸望盡黃蘆州

水與五溪合心期萬里遊明時無棄材謫去隨孤舟
鷺鳥立寒木丈夫佩吳鉤何當報君恩却繫風霜頭

獨遊

林卧情自閑獨遊景常晏時從灞陵下隨釣往南澗
手携雙鯉魚目送千里鴈悟彼飛有適知此罹憂患

僧皎然云取菰生日送歸鴻手携玉絃俯仰自得遊心大玄之意也放之清冷泉因得

省踈慢永懷青岑客迴首白雲間超然物無違豈繫
名與宦

灞上閑居

鴻都有歸客偃卧滋陽村軒冕無枉顧清川照我門

空林網夕陽寒鳥赴幽園廓落時得意懷哉莫與言
庭前有孤鶴欲啄常翩翩爲我啣素書吊彼顏與原
二君既不朽所以慰其魂

過華陰

雲起太華山雲山互明滅東峯始含景了了見松雪
羈人感幽栖窅映轉竒絕欣然忘所疲永望吟不輟
信宿百餘里出關玩新月何意昨冥冥遇物遂遷別
人生屢如此何以肆愉悅

東京府縣諸公與綦毋潛李頎相送至白
馬寺宿

鞍馬上東門徘徊入孤舟賢豪相追送卽棹千里流
赤峯落日在空波微煙收宦薄忘機恬醉來却淹留
月明見古寺林下登高樓南風開長廊夏夜如涼秋
江月照吳縣西歸夢中遊

諸官遊招隱寺

山館人已空青蘿換風雨自從永明世月向龍宮吐
鑿井長幽泉白雲今如古移影坐松栢錫杖掛窓戶
口云七十餘能救諸有苦回指岩樹花如聞道場鼓
金色身壞滅真如性無主僚友同一心清光遣誰取

風涼原上作

唐詩十卷
陰岑宿雲歸霧露滋松栢風淒日初晚下嶺望川澤
遠山無遺明秒水千里白佳氣盤未央聖人在凝碧
關門阻天下信是帝王宅海內方晏然廟堂有奇策
時幸逢全運罷去遊說客余忝蘭臺人幽尋免貽責

江上聞笛

橫笛然江月扁舟何處尋聲長楚山外曲繞胡關深
相去萬餘里遙傳此夜心寥寥浦溆寒響盡唯空林
不知誰家子復奏邯鄲音水客皆擁棹空霜遂盈襟
羸馬望北走遷人悲越吟何當邊草白旌節隴城陰

詠史

荷畚至洛陽牧馬屯北門天下裂其土豺狼滿中原
明夷方濟世歛翼黃埃昏披雲見龍顏始蒙國士恩
位重謀亦深所舉無遺奔長策寄臨終東南不可吞
賢智苟有時貧賤何所論唯然嵩山老而後知我言

訓鴻臚裴主簿雨後北樓見贈

此篇又見高適集中

暮霞照新晴歸雲猶相逐有懷晨昏暇想見登眺目
問禮侍彤襜題詩訪茅屋高樓多古今陳事滿陵谷
地久微子封臺餘孝王築徘徊顧雲漢豁達俯川陸
遠水對孤城長天向喬木公門何清靜列戟森已肅
不嘆携手稀常思着鞭速終當拂羽翰輕舉隨鴻鵠

唐詩十卷
八
觀江淮名山圖

刻意吟雲山尤知隱淪妙遠公何爲者再詣臨海嶠
而我高其風披圖得遺照援毫無逃境遂展千里眺
淡掃荆門壁明標赤城燒青葱林間嶺隱見淮海徼
但指香爐頂無聞白猿笑沙門既云滅獨往豈殊調
感對懷拂衣胡寧事漁釣安期始遺鳥千古謝榮耀
投跡庶可齊滄浪有孤棹

送十二兵曹

縣職如長纓終日檢我身平明趨郡府不得展故人
故人念江湖富貴如埃塵跡在戎府椽心遊天台春

獨立浦邊鶴白雲長相親南風忽至吳分散還入秦
寒夜天光白海靜月色真對坐論歲暮絃歌起無因
平生驅馳分非謂杯酒仁出處兩不合忠貞何由伸
看君孤舟去且欲歌垂綸

緱氏尉沈興宗置酒南溪留贈

林色與溪古深篁隱幽翠山尊在漁舟棹月情已醉
始窮清源口壑絕人境異春泉滴空崖萌草拆陰地
久之風榛寂遠聞樵聲至海鴈時獨飛永然滄洲意
古時青冥客滅跡淪一尉吾子躊躇心豈其紛埃事
緱岑信所尅濟比予乃遂齊物意已會息肩理猶未

卷舒形性表脫略賢哲議乘月期角巾飯僧嵩陽寺

鄭縣宿陶大公館贈馮六元二

儒有輕王侯脫畧當世務本家藍田中非爲漁弋故
無何困躬耕且欲馳永路幽居與君近出谷同所務
昨日辭石門五年變秋露雲龍未相感干謁亦已屢
子爲黃綬羈余忝蓬山顧京門望西岳百里見郊樹
飛雨祠上來靄然關中暮驅車鄭城宿秉燭論往素
山月出華陰開此河渚霧清光比故人豁達展心晤
馮公尚戢翼元子仍跼步拂衣易爲高論跡難有趣
張范善始終吾等豈不慕罷酒當涼風屈伸備冥數

代扶風主人荅

殺氣凝不流風悲月彩寒浮埃起四遠遊子迷不歡
依然宿扶風沽酒聊自寬寸心亦無理長鋏誰能彈
主人就我飲顧我還慨然便泣數行淚因歌行路難
十五後邊城三回討樓蘭連年不解甲積日無所食
將軍降匈奴國使沒桑乾去時二十萬獨自還長安
不信沙場苦君看刀箭瘢鄉親零落盡塚墓亦摧殘
仰攀青松枝慟絕摧心肝禽獸悲不去路傍誰忍看
幸逢休明代寰宇靜波瀾老馬思伏櫪長鳴力已殫
少年與運會何事發悲端天子初封禪賢良刷羽翰

三邊悉如此否泰亦須觀

儲光羲

殷璠云儲公詩格高調逸趣遠情深削盡
常言快風雅之道得浩然之氣述華清宮
詩云山門入松栢天路即虛空又華清宮
詩云山門鳴蒙色天轉招星此例數百句
已畧見荆楊集不復廣引璠常觀公正論
十五卷九經外義疏百卷言博理當寔可
謂經國之大材○樂城遺言云儲光
羲詩高處似陶淵明平處似王摩詰

野田黃雀行

嘖嘖野田雀不知軀體微閑穿深叢裏爭食復爭飛
窮老一類舍棗多桑葉稀無棗猶可食無桑何以依
蕭條空蒼暮相引時來歸斜路豈不捷渚田豈不肥

水長路且壞惻惻與心違

劉須溪云興寄雜出無不
有味愈古愈淡愈淡愈濃

樵父詞

山北饒朽木山南多枯枝枯枝作採薪爨室私自知
詰朝礪斧尋視暮行歌歸先雪隱薜荔迎暄卧茅茨
清澗日濯足喬林時曝衣終年登險阻不復憂安危
蕩漾與神遊莫知是與非

劉云不憂已好神遊更高
是在莊子言外實証實悟

漁父詞

澤魚多鳴水溪魚好上流漁梁不得意下渚潛垂鈎
亂行時碍楫新蘆復隱舟靜言念終始安坐看沉浮
素髮隨風揚遠心與雲遊逆浪還極浦信潮下滄洲

非爲徇形役所樂在行休

牧童詞

不言牧田遠不道牧陂深所念牛馴擾不亂牧童心
圓笠覆我首長簑披我襟方將憂暑雨亦以懼寒陰
大牛隱曾坂小牛穿近林同類相鼓舞觸物成謳吟
取樂須臾間寧問聲與音

採蓮詞

淺渚荇花亂深潭菱葉踈獨往方自得恥邀淇上姝
廣江無術阡大澤絕方隅浪中海童語林下鮫人居
春鴈時隱舟新萍復滿湖采采乘日暮不思賢與愚

劉云必欲
總與人異

採菱詞

濁水菱葉肥清水菱葉鮮義不遊濁水志士多苦言
潮沒具區藪潦深雲夢田朝隨北風去暮逐南風旋
浦口多漁家相與邀我船飯稻以終日尊羨將永年
方冬水物窮又欲休山焚盡室相隨從所貴無憂患

劉云懇款備至
不在多不在深

射雉詞

曝暄理新翳迎春射鳴雉原田遙一色皋陸曠千里
遙聞伊喔聲時見雙飛起翼歷踈蒿下毯毳深叢裏

碩敵已忘生爭雄方決死仁心貴勇義豈能復傷此
超遙下故墟迢遞田高時大夫昔何苦取笑歡妻子

劉云只如此
自極餘味

猛虎詞

寒亦不憂雪飢亦不食人人肉豈不甘所惡傷明神
大室為我宅孟門為我隣百獸為我膳五龍為我賓
蒙馬一何威浮江亦以仁彩章耀明目瓜牙雄武臣
高雲逐氣浮厚地隨聲震君能賈餘勇日夕長相親

劉云諸詞一樣得古
章句體不須別意

釣漁灣

垂釣綠灣春春深杏花亂潭清疑水淺荷動知魚散
日暮待情人維舟綠楊岸

幽居

幽人下山徑去去夾青林滑處莓苔濕暗中蘿薜深
春朝煙雨散猶帶浮雲陰

題太玄觀

門外車馬喧門裏宮殿清行即翳若木坐即吹玉笙
所喧既非我是劉云真道其冥冥

迷華清宮

上林神君宮此地即明庭山開鴻濛色天轉招搖星

三雪報大有孰謂非我靈洞劉云得歌體

貽帝鍊師

精思莫知日意靜如空虛三鳥自来去九光遙卷舒
彩地近天井玉宇停雲車余亦苦山路洗心祈道書

霽後詒馬十二巽

高天風雨散清氣在園林况我夜初靜當軒鳴綠琴
雲開北堂月庭滿南山陰不見長裾者空歌遊子吟

題陸山人樓

暮聲雜初鴈夜色涵早秋獨見海中月照君池上樓
山雲拂高棟天漢入雲流不惜朝光滿其如千里遊

陸著作輓辭

世業江湖側郊園休沐處猶言五日歸未道千秋去
鄉亭春水綠昌閣寒光暮昔為畫錦遊今成逝川路

劉云好似選詩

歸路秦城下寒雲慘平田故園滄海邊綠柳覆平川
送客異他日還舟殊昔年華亭有明月長向隴頭懸

泛茅山東溪

清晨登僊峯峯遠行未極江海霽初景草木含新色
而我任天和此時聊動息望鄉白雲裏發棹清溪側
松栢生深山無心自貞直

喫茗粥作

當晝暑氣盛鳥雀靜不飛念君高梧陰復解山中衣
數片遠雲度曾不蔽炎暉淹留膳茶粥共我飯蕨薇
敝廬既不遠日暮徐徐歸

遊茅山五首

十年別鄉縣西去入皇州此意在觀國不言空遠遊
九衢平若水利往乘輕舟北洛反初路東江還故丘
春山多秀木碧澗盡清流不見子桑扈當從方外求

劉云
甚悲

其二

世業傳儒行行成非不榮其如懷獨善况以聞長生
家近華陽洞早年深此情巾車雲路入理棹瑤溪行
天地朝光滿江山春色明王廷有軒冕此日方知輕

其三

平生非作者望古懷清芬心以道爲際行將時不群
茲山在人境靈贖久傳聞遠勢一峯出近形千嶂分
冬春有茂草朝暮多鮮雲此去亦何極但言西日曛

其四

昔賢居柱下今我去人間良以直心曠兼之外視閑
垂綸非釣國好學異希顏落日登高嶼悠然望遠山

溪流碧水去雲帶清陰還想見中林士岩扉長不關

其五

名岳徵僊事清都訪道書山門入松柏天路涵空虛
南極見朝采西潭聞夜漁遠心尚雲宿浪跡出林居
為已存實際忘形同化初此行良已美不樂復何如

述降聖觀

一山盡天苑一峯開道宮道花飛羽衛天鳥遊雲空
玉殿俯玄水春旗搖素風夾門小松柏覆井新梧桐
自昔大仙下乃知元化功神皇作桂館此意與天通

題眇上人禪居

真王清淨子燕居復行心結宇隣居邑寤言非遠尋
丹青丈室滿草樹一庭深秀色玄冬發交枝白日陰
江流映朱戶山鳥鳴香林獨往已寂寂安知浮與沉

過新豐道中

二十八年
有詔種果

西下長樂坂東入新豐道雨多車馬稀道上生秋草
太陰閔臬陸不知晚與早雷雨杳冥冥川谷漫浩浩
詔書植嘉木衆言桃李好自愧無此容歸從漢陰老

夜到京口入黃河

河洲多青草朝暮增客愁客愁惜朝暮枉渚暫停舟
中宵大川靜解纜逐歸流浦溆既清曠汜洄非阻脩

登艦望落月擊楫悲新秋倘遇乘槎客永言星漢遊

使過彈箏峽作

鳥雀知天雪群飛復群鳴原田無遺粟日暮滿空城
達士憂世務鄙夫念王程晨過彈箏峽馬足凌兢行
雙壁隱靈曜莫能知晦明皚皚堅冰白漫漫陰雲平
始信古人言苦節不可貞

行子苦風泊來舟貽潘少府

潘時在後浦

行子苦風潮維舟未能發宵分卷前幔卧視清秋月
四澤無葭深中洲烟火絕蒼蒼水霧起落落踈星沒
所遇盡漁樵與言多楚越其如念極浦又以思明哲

常若干餘里况之異鄉別

仲夏入園東陂

方塘深且廣伊昔俯吾廬環岸垂綠柳盈潭發紅蕖
上延北原秀近屬幽人居暑雨若混沌清明如空虚
此鄉多隱逸水陸見樵漁廢賞亦何貴為歡良易攄
且言重觀國當此賦歸歟

效古

首二

晨登涼風臺暮走邯鄲道曜靈何赫烈四野無青草
大軍北集燕天子西居鎬婦人役州縣丁男事征討
老幼相別離哭泣無昏早稼穡既殄絕川澤復枯槁

曠哉遠此憂冥冥商山皓

東風吹大河河水如倒流河洲塵沙起有若黃雲浮
頽霞燒廣澤洪暉赫高丘野老泣相語無地可蔭休
翰林有客卿獨負蒼生憂中夜起躑躅思欲獻厥謀
君門峻且深跣足空夷猶

雜詩二首

混沌本無象末路多是非達士志寥廓所在能忘機
哂鑿時未至還山聊采薇虎豹對我蹲鸞鷲傍我飛
仙人空中來謂我勿復歸格澤為君駕虹蜺為君衣
西遊昆崙墟可與世人違

秋氣肅天地太行高崔嵬徠馳清夜吟其聲亦何哀
寂寞掩柴華夢寐游蓬萊琪樹遠亭亭玉堂雲中開
洪崖吹簫管玉女飄飄來雨師既洗道後路無纖埃
鄙哉楚襄王獨如陽雲臺

終南幽館獻蘇蘇侍郎

中歲尚微道始始知養神抗策還南山水木自相親
深林開一道青嶂成四隣平明去採薇日入行刈薪
雲歸萬壑暗雪罷千岩春始看玄鳥來已見瑤華新
寄言寒芳者無迺後時人

劉云清
洒深麗

卜築青岩裏雲蘿四垂陰虛室若無人喬木自成林

時有清風至側聞樵採音劉云幽素成章鳳凰鳴南岡望望
隔層岑既言山路遠復道溪流深倥佯空中遊虬龍
水中吟何當見輕翼為我達遠心

題應聖觀

空中望小山山下見餘雪皎皎河漢女在茲養真骨
登門駭天書啓籙問仙訣池光搖水霧鎊色連松月
合埽起花臺折草成玉節天鷄弄白衣王母垂玄髮
北有上年宮一路在雲霓上心方嚮道時復遊金闕

至閑居精舍

即天后故宮

太室三招提其趣皆不同不同非一趣况是天遊宮

雙嶺前夾門閣道復橫空寶坊若花積宛轉不可窮
流泉自成池青松信饒風秋晏景氣迴晶明丹素功
近將隱者隣遠與西上通大師假惠照念以息微躬
酬綦母校書夢遊耶溪見贈之作

校文在僊掖每有滄洲心况以北窓下夢遊清溪陰
春看湖口漫夜入迴塘深往往纜垂葛出舟望前林
山人松下飯釣客蘆中吟小隱何足貴長年固可尋
還車首東道惠言若南金以我採薇意傳衣天姥岑

田家即事

蒲葉日已長杏花日已滋老農要看此貴不違天時

呂氏春秋云冬至五旬菖始生菖者草之先者也於是始耕泥勝之書云杏始榮華輒耕輕土迎晨起飯牛雙駕耕東菑蚯蚓土中出田烏隨我飛群合亂啄噪嗷嗷如道饑我心多惻隱顧此兩傷悲撥食與田烏日暮空筐歸親戚更相謂我心終不移劉云皆非

初志忽轉及此故以為貴

同王十三維偶然作首四

仲夏日中時草木看欲焦田家惜功力把鋤來東臬
顧望浮雲陰往往誤傷苗歸來悲困極兄嫂共相饒
無錢可沽酒何以解劬勞夜深星漢明庭宇虛寥寥
高柳三五株可以獨逍遙

北山種松柏南山種蒺藜出入雖同趣所向各有宜
孔丘貴仁義老氏好無為我心若虛空此道將安施
暫過伊闕間晚晚三伏時高閣入雲中芙蓉滿清池
要自非我室還望南山陲

野老本貧賤冒暑鋤瓜田一畦未及終樹下高枕眠
荷蓀者誰子皤皤來息肩不復問鄉墟相見但依然
腹中無一物高話羲皇年落日臨層隅逍遙望晴川
使婦持蚕筐呼童傍漁船悠悠泛綠水去摘浦中蓮
蓮花艷且美使我不能還劉云又入別調轉覺幽遠何也

浮雲在虛空隨風復卷舒我心方處順動作何憂虞

但言嬰世網不復得閑居迢遞別東國超遙來西都
見人乃恭敬曾不問賢愚雖若不能言中心亦難誣
故鄉滿親戚道遠日以踈偶欲陳此意復無南飛鳧

田家雜興八首

劉云首首皆
妙有此田家

春至鷓鴣鳴薄言向田野不能自力作
勉娶隣女既念生子孫方思廣田圃
閑時相顧笑喜悅好禾黍夜夜登嘯臺
南望洞庭渚百草被霜露秋山響砧杵
却羨故年時中情無所取

劉云真隱者
違俗之談

眾人耻貧賤相與尚膏腴我情既浩蕩
所樂在畋漁山澤時晦冥歸家暫閑居
滿園種葵藿繞屋樹桑榆

禽雀知我閑翔集依我廬所願在優游
州縣莫相呼

日與南山老兀然傾一壺

劉云淵
明之趣

逍遙阡陌上遠近無相識落日照秋山
千岩同一色

網罟繞深莽鷹鷂輕翼翼循馬既如風
奔獸莫敢息

駐旗滄海上犒士吳宮側楚國有夫人
性情本貞直

鮮禽徒白致終歲竟不食

劉云似是息
矯矯不意出此

田家超瀧畝當晝掩虛關隣里無烟火
兒童共幽閑

桔槔懸空圃鷄犬滿桑間時來農事隙
採藥遊名山

但言所採多不念路險艱人生如蜉蝣
一往不可攀

君看西王母千載美容顏

貧士養情性不復知憂樂劉云又好去家行嘗畚留滯南

陽郭秋至黍苗黃無人可刈穫孺子朝未飯把竿逐

鳥雀忽見梁將軍乘車出宛洛意氣軼道路光輝滿

墟洛安知名薪者啞啞笑輕薄

楚山有高士梁國有遺老築室既相隣同田復同道

糗糈常共飯况孫每更抱忘此耕耨勞愧彼風雨好

蟪蛄鳴空澤鷓鴣傷秋草日夕寒風來衣裳苦不早

劉云別是一種
意態言外悄然

梧桐蔭我門薜荔網我屋超超兩夫婦朝出暮還宿

稼穡既自種牛羊還自牧日旰懶耕鋤登高望川陸

空山足禽獸墟落多喬木白馬誰家兒聯翩相馳逐

劉云不善一語
意自然个中

種桑百餘樹種黍三十畝衣食既有餘時時會賓友

夏來菰米飯秋至菊花酒孺人喜逢迎釋子解趨走

日暮得園裏團團蔭榆柳酌酎乘夜歸涼風吹戶牖

清淺望河漢低昂看北斗數甕猶未開明朝能飲否

劉云比陶差律
而瞻然各自好

五言古詩卷之十

唐詩品彙十



